

Gran inauguracion awetardi!

Leopoldo Croes Ball Park porfin a haya su cura



ORANJESTAD (AAN): Diahuebs mainta Minister Visser a bishita e veld Leopoldo Croes na Piedra Plat pa observa culminacion di trabaonan cu tabata andando. Pa algun tempo e trabaonan di construccion di e cura a inicia. Esaki tabata precies den luna di Februari y pa luna di Mei nan a keda finalisa. E compania Promarcon a gana e Bid y e financiamiento a ser

haci atravez di Sport Subsidie Commissie. Minister Visser a duna di conoce cu e trabaonan tabata worde controla pa John Gomez di Bureau di Minister di Finanzas.

Miembronan di Stichting Leopoldo Ball Park awor ta masha contento y gradici cu Minister Richard Visser cu a duna oido na nan peticion cual sigur tabata na bienestar di e hobennan deportista kendenan

ta esunnan cu ta practica e deporte di Baseball na e veld aki. E veld aki ta un veld pa tur echikito y hobennan cu ta practica baseball. E bario di Piedra Plat conoce e veld aki pa decadas igualmente e teamnan di rond Aruba. Veld Leopoldo Croes ta un veld cu ta worde usa mas hopi mes mes pa little league pero e falta di un cura pa segura e safety di e muchanan cu ta bin wak wega y cu ta hunga tabata indispensable. Awor cu e cura completamente cla, e veld a bira un ball park di berdad. Sr Leopoldo Croes a remarca cu e tin mas cu 40 aña trahando na bienestar di Base Ball Little League y ta masha agradecido cu e contribucion cu el a haya di minister di Deporte Dr. Richard Visser.